

899.962.1(09)

გ-376

ივანე ჯავახიშვილის სახელობის თბილისის  
სახელმწიფო უნივერსიტეტი

ბელნაწერის უფლებით

ბახტაძე გურამ

აჭარა მე-19 საუკუნის ქართულ მწერლობაში

10.01.01 – ქართული ლიტერატურა

ფილოლოგიის მეცნიერებათა კანდიდატის სამეცნიერო  
ხარისხის მოსაპოვებლად წარმოდგენილი დისერტაციის

ა ვ ტ ო რ ე ფ ე რ ა ტ ი

თბილისი  
2001

ნაშრომი შესრულებულია თბილისის ივანე ჯავახიშვილის სახელობის სახელმწიფო უნივერსიტეტის ახალი ქართული ლიტერატურის ისტორიის კათედრაზე

სამეცნიერო ხელმძღვანელი – ფილოლოგიის მეცნიერებათა დოქტორი, პროფესორი იუზა ევგენიძე

- ოფიციალური ოპონენტები:
1. ფილოლოგიის მეცნიერებათა დოქტორი, პროფესორი თთარ ჭურულაია (10.01.01)
  2. ფილოლოგიის მეცნიერებათა კანდიდატი ალექსანდრე ჯიბლაძე (10.01.01)

დისერტაციის დაცვა შედგება 2001 წლის „26 10“ „14“ საათზე

ივანე ჯავახიშვილის სახელობის თბილისის სახელმწიფო უნივერსიტეტის ფილოლოგიის დარგის (P10.01.C.№5) სადისერტაციო საბჭოს სხდომაზე  
მისამართი: 380028, თბილისი, ი. ჭავჭავაძის გამზირი №1

დისერტაციის გაცნობა შესაძლებელია ოსუ სამეცნიერო ბიბლიოთეკაში

მისამართი: 380047, თბილისი, უნივერსიტეტის ქ. №2.

ავტორეფერატი დაიგზავნა 2001 წლის „25“ „29“

- 1805 -

სადისერტაციო საბჭოს სწავლული მდივანი, ფილოლოგიის მეცნიერებათა დოქტორი, პროფესორი

Handwritten signature and stamp of the author's supervisor, I. Tshubidze.

ნაშრომის ზოგადი დახასიათება

თემის აქტუალობა: მეცხრამეტე საუკუნის ქართველ მწერალთა შემოქმედებითი ინტერესი დედასამშობლოდან სამი საუკუნით ჩამოცილებული აჭარის მიმართ, ფილოლოგიური თვალსაზრისით ნაკლებად არის შესწავლილი. ჯერ-ჯერობით არ არსებობს შემკრებლობითი ხასიათის მონოგრაფიული ნაშრომი, რომელიც ქართველ მწერალთა აჭარის თემით დაინტერესების სურათს მოლიანობაში წარმოადგენდა.

მეცხრამეტე საუკუნის ქართული მწერლობა თანამედროვე ქართველს აძლევს ეროვნული ცნობიერების მოვლისა და გამტკიცების შესანიშნავ მაგალითს. აღნიშნული პერიოდის მწერლობა ამ ნიშნითაც დიდ ზემოქმედებას ახდენს მკითხველზე და აქტუალობას არ კარგავს სადღეისო ეროვნული პრობლემების გააზრების მხრივ.

კვლევის საგანი და მიზანი. ქართველი ერის ისტორიაში მე-19 საუკუნე უმნიშვნელოვანესი პერიოდია. ეროვნულ-განმათავისუფლებელი მოძრაობის ავანგარდში ამ დროისათვის ქართველი მწერლები იდგნენ დიდი ილიას წინამძღოლობით. ამ მოძრაობის ერთ-ერთი მნიშვნელოვანი მიმართულება იყო ოსმალეთის მიერ მიტაცებულ ქართულ მიწა-წყალზე ეროვნული თვითშემეცნების განმტკიცებისათვის ბრძოლა. ამგვარი იდეოლოგიური ბრძოლის ცოცხალი სურათი შემოგვინახა მე-19 საუკუნის ქართულმა პერიოდიკამ.

ნაშრომის მიზანს წარმოადგენს აჩვენოს მეცხრამეტე საუკუნის ქართულ ლიტერატურაში აჭარისადმი, როგორც გარკვეული ეროვნულ-კულტურული და მხატვრული ღირებულების შემცველი მასალისადმი, შემოქმედებითი ინტერესის თანდათანობით გაღვივება. საკითხის ამდაგვარად დაყენება საშუალებას გვაძლევს ვაჩვენოთ არა მარტო აჭარის მოუცილებელი და განუწყვეტელი ფსიქო-ეთნო-კულტურული კავშირი დანარჩენ საქართველოსთან, არამედ საკუთრივ, საკვლევი მასალის თავისებურება თემატური აქტუალობისა და მხატვრული ღირებულების მხრივ. ნაშრომში არის ცდა, სრულყოფილად და მიუკერძოებლად წარმოჩინდეს ის წვლილი, რაც მეცხრამეტე საუკუნის ქართველ მწერლებს მიუძღვით აჭარის, როგორც ქართული ფენომენის მოუცილებელი